

# АВТОТРАНСПОРТ ВОСИТАЛАРИНИ ЙИЛЛИК МАЖБУРИЙ ТЕХНИК КЎРИҚДАН ЎТКАЗИШ ТЎҒРИСИДА

2020 йил, 28 февраль

№ 106

Ёзёвон шаҳарчаси

Ўзбекистон Республикаси “Йўл ҳаракати хавфсизлиги тўғрисида”ги Қонунига (Ўзбекистон Республикаси Қонун ҳужжатлари тўплами, 2013 й., 15-сон, 197-модда) мувофиқ ҳамда Ўзбекистон Республикаси Вазирлар Маҳкамасининг 2017 йил 22 декабрдаги 1010-сонли “Транспорт воситаларини мажбурий техник кўриқдан ўтказиш тартибини такомиллаштиришга доир қўшимча чора-тадбирлар тўғрисида”ги қарорига (Қонун ҳужжатлари маълумотлари миллий базаси, 26.12.2017 йил 09/17/1010/0461-сон), шунингдек Вазирлар Маҳкамасининг 2003 йил 31 январдаги 54-сон қарори билан тасдиқланган “Транспорт воситаларини мажбурий техник кўриқдан ўтказиш тартиби тўғрисида”ги Низом (Ўзбекистон Республикаси Қонун ҳужжатлари тўплами, 2003 й., 1-2-сон, 17-модда) ижросини таъминлаш мақсадида

қарор қиламан:

1. Ўзбекистон Республикаси Вазирлар Маҳкамасининг 2017 йил 22 декабрдаги 1010-сонли “Транспорт воситаларини мажбурий техник кўриқдан ўтказиш тартибини такомиллаштиришга доир қўшимча чора-тадбирлар тўғрисида”ги қарори раҳбарлик ва ижро этиш учун қабул қилинсин.

Белгилансинки, Вазирлар Маҳкамасининг 2017 йил 22 декабрдаги 1010-сонли қарорига мувофиқ, 2018 йил 1 январдан бошлаб транспорт воситаларини мажбурий техник кўриқдан ўтказиш жисмоний шахсларга тегишли енгил автотранспорт воситаларининг техник ҳолати тадбиркорлик субоектлари – юридик шахслар томонидан ҳам текширилиши мумкинлиги инobatга олинсин.

2. Автоматотранспорт воситаларининг йиллик мажбурий техник кўриқдан ўтказиш бўйича туман комиссияси таркиби 1-иловага мувофиқ тасдиқлансин.

Мажбурий техник кўриқдан ўтказиш даврида комиссия таркибига киритилган масъул шахсларнинг доимий иш жойларидаги ойлик иш ҳақлари сақланиб қолиниши инobatга олинсин.

3. Комиссия зиммасига:

Техник кўриқ давомида белгиланган жадвалдаги муддатларга риоя қилиш, транспорт воситаларини техник кўриқка тайёргарлигини, керакли жиҳозларни етказиб берилишини, туман мудофаа ишлари бўлимида рўйхатда турувчи транспорт воситаларига барча ҳужжатларни расмийлаштирилганлигига, автотранспорт воситаларини техник паспортларини, таъмирга киритиш рўйхатларни, ишга чиқиш ва қайтишни қайд этиш китобларини юритилганлигини текшириш ва аниқланган камчиликларни жойида бартараф этиш юзасидан чора-тадбирлар кўриш вазифалари юклатилсин.

4. Жисмоний шахсларга тегишли бўлган автоматотранспорт воситаларининг техник кўриги 2020 йил февраль ойидан - 31 август кунига қадар, юридик шахсларга тегишли автоматотранспорт воситалари 2020 йилнинг 1 мартдан - 30 июнр кунига қадар техник кўриқдан ўтказилсин.

5. Тумандаги юридик ва жисмоний шахсларга қарашли бўлган автоматотранспорт воситаларининг 2020 йилги мажбурий техник кўригини ўтказиш жадвали 2-иловага мувофиқ;

Тумандаги тижорат асосида йўловчи ташиш учун фойдаланиладиган енгил автомобиллар, автобуслар ва ўтириладиган жойлар сони 8 та ва ундан ортиқ бўлган (ҳайдовчининг ўрнидан ташқари) одамларни мунтазам ташиш учун жиҳозланган юк автомобиллари, йирик габаритли, оғир вазнли ва хавфли юкларни ташиш учун махсус транспорт воситалари ва уларга тиркамалар - бир йилда икки маротаба, биринчи марта 2 мартдан - 29 июнгача, иккинчи марта 3 сентябрдан - 31 октябргача техник кўриқдан ўтказилсин. Техник кўриқдан ўтказиш 2-босқич жадвали 3-иловага мувофиқ тасдиқлансин.

~~6. Тумандаги ташкилотлар раҳбарларига:~~

1 / 2

Тасаруфидаги автоматотранспорт воситаларини техник кўриқка тайёрлаш ва техник кўриқ комиссиясига ўз муддатида тақдим этиш вазифаси топширилсин.

---

7. Белгилансинки, тадбиркорлик субъектлари – юридик шахсларнинг жисмоний шахсларга тегишли енгил автотранспорт воситаларининг техник ҳолатини текшириш бўйича хизматлар учун тўловларни ундирилишида вилоят ҳокимлиги томонидан тасдиқланадиган тарифларга қатъий амал қилинсин.

8. Ушбу қарор қабул қилиниши муносабати билан туман ҳокимининг 2019 йил 6 январдаги 871-сон қарори ўз кучини йўқотган деб ҳисоблансин.

9. “Марказий Фарғона” газетаси (А.Худойқулов)га мазкур қарорни расмий эълон қилиш ҳамда туман ҳокимлигининг веб – сайтига жойлаштирилиши таъминлансин.

10. Белгилансинки, мазкур қарор расмий эълон қилинган кундан эътиборан кучга киради.

11. Ушбу қарорнинг бажарилишини назорат қилиш туман ҳокимининг ўринбосари А.Раҳмонов зиммасига юклатилсин.

Туман ҳокими                    Й.БОЙИГИТОВ

2020-03-12 08:54:09